

Na osnovu člana 4. Uredbe o izmjeni i dopuni Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 37/05) i člana 3. stav 1. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/01, 31/01, 34/05 i 37/05), Ured za zakonodavstvo Vlade Kantona Sarajevo utvrdio je Prečišćeni tekst Uredbe o Uredu za zakonodavstvo Vlade Kantona Sarajevo.

Prečišćeni tekst Uredbe o Uredu za zakonodavstvo Vlade Kantona Sarajevo obuhvata: Uredbu o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/01), Uredbu o izmjenama i dopunama Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 31/01), Uredbu o izmjenama i dopunama Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 34/05) i Uredbu o izmjeni i dopuni Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 37/05), u kojima je označen dan njihovog stupanja na snagu.

Sekretar
Ureda za zakonodavstvo Vlade
Kantona Sarajevo
Ahmed Ljubović, s. r.

UREDBA

O UREDU ZA ZAKONODAVSTVO VLADE KANTONA SARAJEVO (Prečišćeni tekst)

Član 1.

Ovom Uredbom obrazuje se Ured za zakonodavstvo Vlade Kantona Sarajevo, kao samostalna stručna služba Vlade Kantona Sarajevo (u daljnjem tekstu: Ured za zakonodavstvo), utvrđuje djelokrug i osnove unutrašnje organizacije Ureda za zakonodavstvo i uređuje položaj, ovlaštenja i odgovornosti sekretara Ureda za zakonodavstvo.

Član 2.

Ured za zakonodavstvo daje Vladi Kantona Sarajevo (u daljnjem tekstu: Vlada) stručna mišljenja, sa stanovništa usklađenosti s ustavom i pravnim sistemom, o podnesenim:

- inicijativama za donošenje zakona, u odnosu na nadležnosti Kantona Sarajevo za regulisanje pitanja u određenoj oblasti, nadležnosti organa za donošenje određenog propisa i pravnoj formi propisa;
- nacrtima i prijedlozima zakona, drugih propisa i općih akata koje donosi Skupština Kantona Sarajevo (u daljnjem tekstu: Skupština) i Vlada i prijedlozima propisa koje donosi kantonalni ministar/ministrica i direktor/ direktorica kantonalne uprave.

Ured za zakonodavstvo obezbjeđuje metodološko jedinstvo u izradi kantonalnih zakona i drugih propisa i općih akata; proučava i razmatra pitanja izgradnje pravnog sistema, te daje Vladi mišljenja i prijedloge o tim pitanjima i lektoriše tekstove propisa u toku izrade i prije objavljivanja u "Službenim novinama Kantona Sarajevo".

Član 3.

Stručna mišljenja iz člana 2. ove Uredbe daju se na način i po postupku utvrđenom propisom Vlade Kantona o postupku i načinu pripremanja, izrade i dostavljanja propisa.

Član 4.

Ured za zakonodavstvo utvrđuje prečišćene tekstove propisa, koje donosi Vlada, ako je za to ovlašten tim propisima.

Prečišćeni tekst propisa iz stava 1. ovog člana priprema kantonalno ministarstvo, odnosno drugi organ kantonalne uprave, u čiji djelokrug spadaju pitanja koja su uređena tim propisom.

Član 5.

Ured za zakonodavstvo dostavlja, radi objavljivanja u "Službenim novinama Kantona Sarajevo", ispravke propisa Vlade, ako objavljeni tekst propisa nije u skladu s izvornim tekstom.

Tekst ispravke propisa iz prethodnog stava priprema kantonalno ministarstvo, odnosno drugi organ kantonalne uprave, u čiji djelokrug spadaju pitanja koja su uređena tim propisom.

Član 6.

U cilju unapređenja svog rada, komparativnog pregleda propisa i razmjene iskustava, Ured za zakonodavstvo ostvaruje saradnju sa kantonalnim ministarstvima i drugim organima kantonalne uprave, odgovarajućim službama za zakonodavstvo drugih kantona i Uredom za zakonodavstvo Vlade Federacije Bosne i Hercegovine.

Član 7.

Uredom za zakonodavstvo rukovodi sekretar kojeg imenuje Vlada Kantona Sarajevo u skladu sa zakonom koji se odnosi na imenovanje državnih službenika.

Sekretar Ureda ima poziciju rukovodioca samostalne uprave i samostalne ustanove.

U slučaju spriječenosti ili odsutnosti sekretara, u poslovima rukovođenja Uredom zamjenjuje ga državni službenik kojeg on odredi.

Član 8.

Vlada postavlja sekretara u roku od 15 dana od dana stupanja na snagu Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/01).

Član 9.

Poslovi i zadaci Ureda za zakonodavstvo utvrđuju se pravilnikom o unutrašnjoj organizaciji, koji donosi sekretar, uz prethodnu saglasnost Vlade.

Član 10.

Pravilnik o unutrašnjoj organizaciji Ureda za zakonodavstvo sekretar donosi u roku od 15 dana od dana postavljenja.

Član 11.

Nazivi radnih mjesta državnih službenika navedeni u ovoj Uredbi odnose se na oba spola.

Na osnovu člana 10. Uredbe o izmjenama i dopunama Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 34/05) i člana 3. stav 1. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo" broj 7/01, 31/01, 34/05 i 37/05), Ured za zakonodavstvo Vlade Kantona Sarajevo utvrdio je Novi prečišćeni tekst Uredbe o o postupku i načinu pripremanja, izrade i dostavljanja propisa.

Novi prečišćeni tekst Uredbe o postupku i načinu pripremanja, izrade i dostavljanja propisa obuhvata: Uredbu o postupku i načinu pripremanja, izrade i dostavljanja propisa ("Službene novine Kantona Sarajevo", broj 28/01-Prečišćeni tekst) i Uredbu o izmjenama i dopunama Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 34/05), u kojima je označen dan njihovog stupanja na snagu.
